



Kontinjen Malaysia memperoleh kejayaan di Festival Antarabangsa Les Etoiles de Paris 2025 di Paris, baru-baru ini.

Cucu Jay Jay tawan Paris

Wakili negara menerusi persembahan tarian tradisional di pentas Eropah

QURRATUL AINA QUDDUS

Follow

19 May 2025 04:50pm

Twitter

Facebook

Whatsapp

A-

A

A+

Bermula langkah kecil menari mengikut rentak lagu pada usia lima tahun, kini Nur Naaima Imani Mohd Syahiid, 12, melakar satu pencapaian membanggakan apabila terpilih mewakili negara dalam Festival Antarabangsa Les Etoiles de Paris 2025 di Paris, Perancis.

Bagi ibunya, Nur Amalina Mohd Fauzi, 39, pencapaian ini bukan sekadar satu kejayaan peribadi, malah simbol kepada dedikasi dan usaha tanpa jemu dalam menyemai minat serta bakat anak sulungnya itu dalam bidang seni tari.

"Sejak kecil lagi kami perasan Nur Naaima Imani suka menari. Pada usia lima tahun, dia sudah mula meniru gerakan tarian dari televisyen dan mengikut rentak lagu dengan penuh keyakinan," katanya kepada *Sinar Bestari* baru-baru ini.

Menurut suri rumah sepenuh masa itu, dia dan suami tidak mengambil ringan kecenderungan anak mereka terhadap seni.

Atas galakan rakan-rakan, Nur Amalina membawa Nur Naaima Imani menghadiri sesi uji bakat Permata Seni, sebuah program latihan seni berprestij anjuran kerajaan yang bertujuan mencungkil dan mengasah bakat muda dalam pelbagai cabang seni.

"Dia hadir uji bakat ketika berusia enam tahun dan alhamdulillah, berjaya diserap masuk. Sejak itu, Nur Amalina mendapat latihan secara profesional termasuk gerak asas serta tarian tradisional seperti Joget, Zapin dan Inang," jelasnya.

Lebih menarik, semangat seni dalam diri Nur Naaima Imani sebenarnya diwarisi daripada keluarganya.



Murid ini sebenarnya cucu kepada seorang penyanyi popular tanah air yang pernah mencetus fenomena dalam industri muzik pada era 1980-an iaitu Allahyarham Mohd Fauzi Darus atau lebih dikenali sebagai Jay Jay.

"Arwah bapa saya memang seorang seniman sejati. Walaupun bidang kami berbeza, dia dalam nyanyian manakala cucunya dalam tarian tetapi masih dalam cabang seni yang sama.

"Saya percaya darah seni itu mengalir kuat dalam diri Nur Naaima Imani," katanya dengan nada bangga.

Salah satu kenangan paling mahis dalam hidup anaknya ialah apabila berpeluang mengiringi persembahan datuknya dalam lagu Joget Angan Tak Sudah pada tahun lalu sekali gus kenangan abadi buat mereka sekeluarga.

Kini, dengan bimbingan berterusan daripada tenaga pengajar dan sokongan padu keluarga, Nur Naaima Imani bersedia mempersembahkan tarian warisan budaya Melayu di pentas antarabangsa sekali gus mengharumkan nama Malaysia di mata dunia.

"Saya tidak pernah paksa dia. Apa yang penting, minat itu datang dari hati. Sebagai ibu, saya hanya membuka jalan dan memberikan peluang untuk dia berkembang," ujarnya.

Kisah Nur Naaima Imani membuktikan bahawa dengan minat yang mendalam, bimbingan yang betul serta sokongan keluarga, bakat anak-anak mampu menjulang ke tahap tertinggi.

Langkah kecil yang dimulakan di ruang tamu rumah, kini membawa Nur Naaima menari di pentas dunia.

Penyertaan sekolah dari Malaysia di Festival Antarabangsa Les Etoiles de Paris 2025:

1. SK Jalan 3 Bandar Baru Bangi
2. SK Taman Jasmin, Kajang
3. SK Kampuang Baru Si Rusa, Port Dickson
4. Brainy Bunch International School
5. Al-Amin Selangor
6. Brighton International School
7. Asia Pacific School
8. Sri Ayesha Islamic School
9. Tenby Setia EcoPark
10. Sekolah Tinta.
11. SMK Putrajaya Presint 9 (2)
12. SMK Seksyen 9, Shah Alam
13. SMK Jalan 3, Bandar Baru Bangi
14. SMK Abdul Jalil
15. SMK Subang Utama Selangor
16. SMK Sultan Salahuddin Aziz Shah
17. Kolej Tunku Kurshiah (TKC)
18. Sekolah Tun Fatimah (STF)
19. SM Sains Tuanku Munawir (SASER)
20. Sekolah Seni Malaysia Johor
21. Sekolah Seni Malaysia Kuala Lumpur
22. Universiti Teknologi Malaysia (UTM)
23. Universiti Teknikal Malaysia Melaka (UTEM)
24. Universiti Islam Antarabangsa Malaysia (UIAM)
25. Taylor's University

Senarai anugerah yang diraih:

1. A Folk Solo Children: Nyanyian – Cinta Kita (Tempat Pertama)
2. A Folk Solo Senior: Nyanyian – My Way (Tempat Pertama)
3. A Folk Solo Junior 1: Tarian Borneo (Tempat Kedua)
4. A Folk Solo Junior 2: Tarian Borneo (Tempat Pertama)
5. A Folk Small Group: Tarian Rakyat (Tempat Pertama)
6. A Folk Group Junior 1: Tarian Zapin Ting-Ting (Tempat Pertama)
7. A Folk Group Junior 2: Tarian Dikir (Tempat Pertama)
8. A Folk Group Trio: Tarian Si Nara (Tempat Pertama)
9. A Folk Group Quartet: Tarian Borneo (Tempat Pertama)
10. A Folk Group Senior: Tarian Ceracap Inai (Tempat Pertama)